



Ассаламу гҗялайкум!

БАРХЪДЕШЛА ГҖУНИ

РАЙОННА ЖАМИГҖЯТЛА-ПОЛИТИКАЛА ГАЗЕТА

№ 1 (81310), январьла 1, арбьагҗ, 2021-ибил дус. Багъа 4 кьур.

«Путь истины»

1938 ибил
дусличибад
дурайуси саби

Основа
в 1938 году

У Ч Р Е Д И Т Е Л И:

Администрация МО «Акушинский район»
МБУ «Редакция газеты «Путь истины»
муниципального образования «Акушинский район»
Акушинское районное Собрание депутатов.

ДЕЗА ХІЕД,
САГАСИ ДУС!



«САЛАМ! САЛАМ! САГАЛ ДУС!»

«Салам! Салам! Сагал дус!»
Или ахъли дикӀулра,
Сагнала сангургази
Сагъли духӀнадулхулла.

Сагадешунала лямцӀ
Гьар мерлаб чебиулра,
Сахаватдешуначи
Умутуна дирцӀулра.

Гьар-урла сиганала
Дамгъни умудирулла,
Гьими-къяс тударили,
ДялчӀи гӀелар далтулла.

ТалихӀ черти ахӀенти
БурхӀни макӀаб, дулгулла,

Игъбарла ахӀи хъали
Цалра кали хӀейгулла.

«Салам! Салам! Сагал дус!»
Цаван ахъли дикӀулра,
Излумала бяхъяни
Гьарахъдиркур, дирхулра.

ХӀезиб игъбарта, ванза
Варакъбарили, берхъаб!
Уздеш ва гьалмагъдеш
Уржили, сагъли дерхъаб!

М. МяхӀяммадов,
поэт, журналист.

«АХЪУШАЛА РАЙОН» МО-ЛА БЕКӀ МЯХӀЯЧ КЪАДИЕВИЧ ГӀЯБДУЛКАРИМОВЛА МУБАРАК



ХӀурматла районна халкъ!

Арбьакун гӀямрула ца гьа-
тӀи дус. Ил дуслизир нушазивад
гьарилла гӀямрулизир диуб
разидешла анцӀбукъунира, къа-
дардиуб анцӀкъи-децӀра, диуб
хӀянчиллизир сархибдешунира,
бекӀдарес хӀедиубли уркалунти-
ра. Сагаси дуслизир дигулла леб-
тасалра гӀяхӀси арадеш, хулиб
баракат, шимазиб цабалгундеш,
хӀушала гӀяхӀти къасани детер-
хахъес ахъри диубли!

2020-ибил дусли районнис

хиб гьарбизуни шила хозяй-
ствола, багъуди кайсахънила,
жагьилтала политикала, спорт-
ла, мер-муса къулайси агиличи
дуршнила, багъудила учреж-
дениеби сагадирнила шайчир.
ГӀяхӀцад адамти гӀибратли бе-
таур шантала уржибдешла, вегӀ-
ла мер-мусаличи уркӀи изахъес
балнила шайчиб.

Ахъушала район мурталра
цархӀилтас гӀибратли буибси
саби. Ишад дурабухъунти саби,
хабардерхурси Ахъушан ГӀяли-
ХӀяжичибад бехӀбихъили, гӀил-
мула гӀялимти, пагъмучебти
учительти, тухтурти, поэтуни,
писательти, ВагӀайс мардеш ва
гьабзадеш чедаахъибти гьубзни,
бузерила игитунни, сабурла ва
яхӀла адамти.

Вирхес дигулла Аллагъла
икъайчибли Сагаси дус убулхъ-
ниличи даршуси, баракатчебси,
район гьалабяхӀ башахъес ба-
гъанданси баркъудилизир лерил-
ра цадиубси бетарниличи!

РАЙОННА ДЕПУТАТУНАЛА СОБРАНИЕЛА ПРЕДСЕДАТЕЛЬ ГӀЯБДУЛЖАЛИЛ ДАВУДОВИЧ АБАКАРОВЛА МУБАРАК



ХӀурматла избирательти!

УркӀи-уркӀиларад муба-
ракдирулла хӀуша Сагаси
2021-ибил дусличил! Дигулла
хӀушазивад гьарилла хулир ца-
балгундеш, баракат диубли, хӀу-
ша арасагъли хӀердиубли!

Нуни дила шайзибад хӀушаб
баркалла балахъулра набчи бир-

хауди бихънилис, къайгъи би-
рис бирхауди марбарес, районна
халкълис къияндухъунти масть-
улти ирзнилизи виубсигъуна пай
кабихъес. Дила уркӀилизиб рази-
деш бирар цархӀиллис кумекви-
эс бикалли, ца биалра адамлизи
баркалла ахъес виасли. Лерилра
цадиубли, уркӀичерли дузахӀел-
ли нушаб имканбикӀур Ахъу-
шала район гьалабяхӀ башахъес,
районничила гӀяхӀтицун хабу-
рти ахъдирахъес.

Вирхулра районна депутату-
нани ил баркъудилизи мягӀни-
чебси пай кабирхъниличи!

Нушала машгъурси район гьа-
тӀира уржибсили, низам-зегъа
дихӀес бажардибиркусили бета-
ахъес, халкъ разили биэсли дузес
къайгъи бирехӀе!





САГАСИ ДУС, САГЪСИ ДУС

АКЛУБСИ БАРХИЛИЧИЛ!



Казиева Хамис Гябдусаламовна аклубси сари 1932 – ибил дуслар январьла 1-личир Усишала шилизир. 1948-ибил дусли-

зиб Дербентлизиб педучилище таманбариб, итзамана Усишала шилизиб бузули лебси дурхналар юртлизи рузахъес рархъиб.

Илаб ца дус хлянчи барили, Дагъиста Пачалихъла пединститутлизи карерхур, итхели ил рурсби, хьунул адамти бучлахъес хасбарибсири. Институт таманбарилар, урус мезла ва литературалар учителиницалар санигъат касили, Дербентла районна Сабнава шила школализи рузули калун ва чумал дуслар гьегъи сари аклубси Усишала шилизи чаррухъун. Ишар шилизибси рурсбалар интернатлизи гъалагъала учителиницалар рузули кали гьегъи директор рариб.

Хамис Казиева 22 дус интернатлизи дурсри кадрихъули ва директорли рузули калун. Илди

дусмала бухнаб интернатлизиб багъуди кайсахъни дебали гъалабяхъ арбъакъун: чедирти классунала бучланти белчудилизиб бажардибиркни 98 процентличи абикиб, ца класслизиб класил дус бучланти кавлахъути анцибукъуни агардиуб. Директор учителигала дурсрачи рашусири, гъариллис гьегъури, методикаларшал кумекбири. Халаси хлянчи дурабуркли учителичилцунра ахли, дурхначил ва илдала бегл-тачил.

1968-ибил дуслар июльла 1-личибадси СССР-ла Верховный Советла Президиумла Указ хлясибли Казиева Хамис Гябдусаламовнас Социалист Бузерила Игитла у бедиб, Ленинна орденничи ва «Серп и Молот» биклуси мургъила медальличи лайикърикиб.

Жамигъатла гьамрулизира жигарла бутлакъяндеш дирусири Хамис Гябдусаламовнани. 35 дус калун депутатли: гъала-гъала шила Советла, гьегъури – районна Советла, ДАССР-ла Верховный Советла, СССР-ла Верховный Советла. Вецлал дус рузули калун ДАССР-ла Верховный Советла Президиумла секретаръли, илис гьегъури – деклар – декларти жавабла къуллукъуначир.

Хамис Казиева аклубси бархиличил ва Сагал дусличил, районна халкъла шайзира мубаракриули, сунес ва сунес ахлертас арасагъти, талихчерти гьамру диубли дигни балахъула!

Зубалжат Мирзаева,
районна музейла директор.



ЖАВАБКАРДЕШЛИЧИЛ БУЗУТИ

Соцзащитала управлениела пособиебалар отделла хлянчизаргас арбъакъунси дуслизи хаслира имцлалар хлянчи лерри.

Дурхналар кадилзахъути ва дедлугути пособиебалар шайчир халаси чебетаибдешличил илди хлянчи даимдариб.

Ил отделлизиб леб бахъли бузути ва жагъилтира пагъмучебти хлянчизарти.

Отделла заведующий Шамил Ибрагимовли 20 дус хлянчи барили сай ил управлениелизиб. Илаб бузути специалистуни Загъидат Мяхлямадовани 25 дус хлянчи барили сари, Насихлят Гьямарова, Сухлянат



Мяхлямадова, Мариям дус бузули биубли саби. Мяхлямадова - 20 дус, Илаб леб жагъилти специалистунира - Гябдуллаева - 11

Ил отделла хлянчизаргачи бахъал адамти дугъабилзули саби, дяхлшалалар, гъала ахълебарилар илдала къуллукъ бирули, сегъуна документ гьегъилили гьегъури, тяхляркъяда иргъахъули, адамти дебали разили бирар.

Гъанналар гьегъури жавабкардешличил, чучи хъарси хлянчи даимбирули бузес къас леб илдала.

Чулар гьамрулизи сархибдешуни, бузерилизиб баракат, чархлизиб арадеш имцладиклули хлербиаб!

С.Гябдуллаева,
нушала корр.



БАХЪЛИС КУМЕКЧИ

Хлушани иш суратлизиб чейуси Никлаев Рамазан гьегъити гьегъилцад дусмазив Цугнилар шила администрациялар предсидателъла заместительли зули сай. Зули сай халкълиси къуллукъличи кайзури.

«Хляжатси справка ва цархил къуллукъ лебли даклибхели шила администрациялизиб мурталар Рамазан виар. Илин беклидиру нушала къуллукъуни». Хлера, илдигъунти гъай мурталар аргъес виар Цугнилар, Урганилар, Гулебклилар адамтазира.

Рамазан гъаман чезс виар районна учреждениебазив ва организациябазив-- шантала хъарбаркъуни гъуйчидуршули.

Рамазан Никлаевлиси багъиш-лабирулар иш назмура:
*Адамдеш чихъ-черяхъли,
Гьяшхълири дихъуси,
Сирхлялар дубуртиван
Кагили хъерисури.*

*Къяна-къалп къадурбазир
Къирдарилар датурси,
Бархъдешла дуклумачив
Вархъли урцес вирусил.*

*Адамтас кумекла някъ
Гъархъели гъабурцуси,
Адамдешла лишанти
Гъар мерлар ухахъуси.*

*Рамазан, хлед баркаллагъ
Биклути бахъал балас,
Лягънат бушибси цалра
Виубал балхъебалас.*

*Хлугъунтани саб Дарга
Чихъ ва чебяхълибарисил,
Сирхлялар ахъ дубуртас
Дешла дару кергъилсил.*

*Рамазан, хлу вагъаби
Чевсила уркъелили,
Хъалибарглисра хледра
Калаб халкъ хъатбиклули!*



ТАЛИХЪЧЕБСИ УББУХЪАБ!

Узнимахъила урга даражала школа районна гьегъилтигъунти багъудилар учреждениебазил кабурули саби. Школализиб багъуди кайсахънилар ва бяркъ бедлугнилар хлянчи ахъси даражаличиб бихлес бажардикили, вецлани дусмазиб халаси къайгъи барисире директор Гьялмадов Къурбан Къадиевичли.

Гъанна илди хлянчи хъардарисил Рисалат Гьялмадова ил школализиб гьегъилцадхли учителиницалар рузули, учителигала

коллективлар, бучланталар ва илдала беглталар хлурмат сархибси педагог сари.

Районна школабалар жагъил директоргала лугъилизи карурхусил, дяхлшаласил, дурхначил дигичерсил, суненилар хлябал урши-рурсил абилкъусил Рисалат Гьялмадовас 2021-ибил дус талихъебси уббухъи дигулар!

*Шииштира, анцикъира
Пяхъдиубли дехахъаб,
Хъела ери-юртлизи
Игъбарцун бухнабухъаб!*

*Дурхналар дукелцили
Бурхълини ванадиклахъаб,
Талихъли мадиклули,
Бац ва Берхъли адулхъаб!*

*Гьяхъла хабурганицун
Лерихъли урдабяхъаб!
Къибехъли шантани шадли
Гьяхъшайчиб у гъанбуршаб!*

*Рисалат, дурхналар ва хлед
Сагъси арадеш бараб!
Дуслизиб цалра бархъли
Уркъли хумармабиаб!*



М. Мяхлямад.

САГАДЕШУНАЛА ДУС!

ТУХТУРТАС БАРКАЛЛА БИАБ!

Сецад разивези анцл-букъ сабил дунъяличиб лебли биъни гялхити адамти, цархиллис гялхидеш барес къасличил хлербирути! Илдигъунтала лугилизиб бегл гялаб гъанбушес лайикъти саби медицинала хлянчизарти. Нушаб лебгасалра ашкарли, къиянси замана бетаур ишдуслизиб—коронавируса изала даклубиъни сабабли. Хаслира дахвал къиянти чедуркъуб медицинала хлянчизартачи хлебла бузразир. Илди бузурти дуги-хлери къяшмачи тлашли, гъанк! хлехъили, чусра зягипбиркнила уре-хи лебли биалра. Хлябилра децлагиб районна халкълис дебали гялхити больница-ла тухтурти Гялхимад Гялхимадов ва Хлябибулла Хлясанхлусейнов агарбиъни!

Тухтурличи хляжатхлей-кеси адам хлейрар. Тухтурличи ваклибхлели, ил дяхл



шалали гъуниваалли, гялхис гъай буралли —изала чебарбъкъунсиван бирар. Наб ишаб гъанбушес дигулра чучи ну музарухъунхлели дила хлурмат барибти, гялхити дяхл кадуцибти тухтурти.

Районна больницализир наб регл гьалар гъунираиб медсестра Гябдурашидова Зулайхат. Илдини ну рархъира терапевт Шяхбанов Заурличи. Ил дила бурсиличи халаси пикриличил лехлахъиб,

малхямли гъайухъун, уркли паргъатбиахъуб,—набзи пикри баклиб тлабиглятли иш адамлис гьарли-марси тухтурла пагъму бедили саби или. Ишаб нуни чебаира илис глелехлебухъести

цархилли тухтуртира: Мяхлямадов Загьир, Ризванов Рашид, Мусаев Мяхлямад. Адамлис кумекбарес къасличил дуги-хлери дурклути хлушаб, хлурматла Заур, Загьир, Рашид, Мяхлямад, медсестраби Зулайхат, Шагьризат, Разият, дигулра Сагал дуслизир диубли хлушаб талихлчерти бурхлини ва сархули адамтала баркалла! Хлябилра гялхил далдикилрая хлуша хлушани чеббиклибси саниглятличи! Хлушала урклибазир лер адамтачи диги ва урклецли—илди сари ишбархли халкълис деглара гялгнитти. Дигулра деглара гялхити гъай дурес районна больница-ла терапияла отделениела заведующая Мяхлямадова Саида Мусаевнас ва лебилра хлянчарта!

Урузмаг Шагьвалиева, Зилмукъмахъи.



ЧЕВЕТАИБСИ ХЛЯНЧИЗАР



РФ-ла Пенсионный фондла Ахъушала районна отделениелизив 2000-ибил дусличивад узули сай Мяхлямадов Гялихляжи Гялихляжиевич. 2005-ибил дусличивад ил клиентская службала начальникли узули сай. Илчи пенсия каби-захъес бахъал адамти дугъабилзули саби. Ил чеветаибси, жавабкардеш-

личил узуси, сунечи дугъабизуртази жагали гъайиклуси адам сай, иргъахъу тяхляр-къяйда, сегъуна документуни гялгнитил чула къуллукъ бетерхахъес.

Ил 1991 — ибил дусличивад Соцзащитала управлениелизив узес вехлихъибсири, глур Пенсионный фонд аклахъубхлели ила узес шури-уб. Илдини халаси хлурмат сархиб, чинав узули виалра, сай узуси коллективла, шила халкъла.

Гялихляжи Гялихляжиевич «Ахъушала район» МО-ла администрацияла шайзивад чумал грамотачил шабагъатлаварили сай.

Гъаннала глергъира сунела бузерилизир ва глямрулизир сархибдешуни диаб или бурес дигулра.

С.Гябдуллаева.



РУКЪИЯТ-- ИГИТ- НЕШ

Дубримахъилизиб бахъал лебти саби халкъ —ургаб хлурмат сархибти хъунул адамти, дигалли чебетаибси бузериличил, дигалли дурхлинас гялхис бяркъ бедили. Илдигъунтала лугилизибад саби Мяхлямадова Хамис Гямаркъадиевна ва Къа-

диева Рукъият Мусаевна. Къадиева Рукъиятли 10 урши —рурси абикуьур, ил Игит- неш сари. Камти глямрули-чирад рехлрихъили Ждановла ули-чилси колхозлизир рузули калун.

Пикриухъалли, халаси хлурматличи лайикъли саби бахъал дурхлини абикуьурти нешанала гъунар,— хлязлис хлербурги Совет хлукуматла замана илдас «Игит-неш» ирусси. Гьарил урши-рурсиличи чебетаэс, илдас гялхис бяркъ бедес, хъайчи кабатес —гьар секлайчи чебета-ли биэс багъандан нешаназир диэс гялгнитли саби халаси сабурра, яхла, дурхлиначи дигира. Рукъият адамтас дяхлшалали хлеррирули сари. Саригъунти саби дурхлинира. Уршби-рурсбани разирирули хлер-риаби хлу, Рукъият!

Муъминат Мяхлямадсягидова, Дубримахъи.

МЯХЛЯММАД--ДЯХИШАЛАСИ АДАМ



Цацабехл адамти бирар, саби къаршибикибхлели «Ишдигъунти биалри бахъал-бахъал!» или гъанбиркахъути. Илкъяйда гъанбикес-тала лугилизибад сай Цугнила урга даражала школала учитель Шейхов Мяхлямад Рамазанович. Рах-рахли сай ил Ахъуша увяхлу-хъуси, сегъуна-биалра къуллукъ чебуркъалли, яра уршила биштлати чебас хъулухъунхлели. Мяхлямадли жагали гъайиклес бала, малхямли, хлурматличил, дяхлхатирличил, —марлира, гьарли-марси учитель илгъуна виэс гялгнитли бургар!

Сунечила газетализи белклес пикри лебниличила аргъибхлели, пишвахъили, иб:

--Хлебаласгу, набчиб бахълира гялхилра бузурти чумилра лебли бургар къалли!

--Илдачира ярга баэсну, иншаала-лагъ, гъанна хлечила луклехле!--ира.

Мяхлямадли шила школализир гехлел класс тамандарибхлели урга даражала багъуди касиб Хляшмала школализи вашули, глур керхур Сергокъалала педучилище-лизи. Ца дула глергъи, 1971-ибил дуслизир Ваглайс къуллукъбара-хъес живариб ва клел дус Германиялизирти советский гяскуртала частьлизиб къуллукъбирули калун.

Чариубхлели Сергокъалализибад педучилище Избербашлизи арбухилри, илаб сунела белчлуди дамбариб ва 1976-ибил дуслизир ил таманбарили, бехлихъудла клас-сунала учительла саниглят касиб.

Сай аклубси Цугнила шилизи чарухъун ва шантала дурхлини бучлахъули узес вехлихъиб. Глур заочно учлес керхур Дагъиста Пачалихъла педуниверситетлизи ва 1985-ибил дуслизир исторический факультет таманбариб.

Бусягятра узули сай Цугнила урга даражала школализив. Коллективлизив валгунси, хлянчиллизив чеветаибси, духуси, кабизалачевси адам сайливан вала Мяхлямад Рамазанович. Школализир дахвал дусмазир рузули сари илала рузи

Хадижа Рамазановна—Цугнила шилизирад цаибси хъунул адам сари ил--чебахлси даражала багъуди касибси. Цархилтас глибратли виубси учитель сайри узи Рамазан, глямрулизир даявли арякъунси.

Къугъаси хъалибаргла бекл сай Мяхлямад, шел урши-рурси абикуьур сунела глямрула рархкъя Хадижатличил. Урши Шамилли военный факультет таманбариб, Ахъушала районна Духлинарти Къуллукъуна-ла отделлизив узули калун. Ризван биклуси уршини ДГУ-ла исторический факультет белчлун. Рурси Жувайратли--Дагъиста педуниверситетла филологияла факультет, Зумрудли-- Аскерхановла уличилси медицинала колледж тамандариб, риглалгъуна Зайнабра ил колледжлизир ручлули сари.

Мяхлямад Рамазанович школала директорла заместитель сай, дурсрала дураб бурси хлянчила шайчив. Сунени кадирхъути историяла ва обществознаниела дурсри дурхлинас дигутили, гялхидизестили детаахъес чекалзан, школала глямрулизирцунра ахли, шила глямрулизирра бутлакъяндеш диру, гялхис глеббуру, цархилтала гялхис баркъуди глеббуру.

-- Дигалли динна шайчибад, дигалли хлукуматла органтала шай-

чибад адамлис глеббурибси гъуни цагъуна саби: хлялалли хлери, бархъдеш бузахъен, цархилла хлурмат бирен, чисалра вайси мабирид! Ил гъуйчивад чевхлелклес къасличил хлерирулра.—иб Мяхлямадли.

Гьаларла глямруличила баянти дурчни, историк сайливан, сунес гялхлибурси баркъуди саби. Телевидениеличиб «Даргала анкъи» биклуси передача кайсути гьалаб-ван Мяхлямадличил гялхладли баклиб, архитектурала ва культу-рала памятникуначила баянти ду-рахъиб.

--Ахъушала районнизир 72 памятник-минарет лерти сари, илдазирад клел—федеральный къадрила. Федеральный къадрила памятникуназивад ца саби Цугни-ла шилизибси мижитла мимбар-минарет,—бурули сай Мяхлямад Рамазановичли.—Шантани мижитла мер-муса сагадарили, къугъали далкъаахъурли сари. Адамти башар, гъаман мавлидуни дучлули бирар. Динна хлурмат бирахъес дурхлини, жагъилти бурсибирули саби.

Гялхис адам, чеветаибси педагог Мяхлямад Рамазановичлис гьатлира уркличевли захъес Сагаси дуслизир габ Аллагъли арадеш-ра, разивараб сунени бучлахъути дурхлинира!

П. Маллаева.

ПАГЪМУЧЕБТИ АДАМТИ



Ахъушала районна культурала управлениелизиб леб бузули бахъал пагъмучебти адамти. Илдани районна духнар ва дурар детурхути шадлихъуназир, фестивалтазир, байрумтазир, конкурсуназир жигарла бутлакьяндеш диру ва гьаларти мераначи лайикъ-

биркур. Илди - ургаб леб РДК-ла директор Муцалхан Къурбанмяхъяммадов, РДК-ла художественный руководитель Пирдаус Хъижимяхъяммадова, автоклубла заведующая рузуси Кумсият Гъяхъяммадова, массовик Жумягъ Гъялиева. Жумягъ Гъялиева урши

Гъябдусамад Гъялиева культурала управлениелизив узули сай, дебали пагъмучевси музыкантра сай жагали далайра виклар.

Ишди бурхъназибра илди Ахъушала шилизисси музейлизиб гъунибаиб. Илаб эскурсияра барили, гъур жура-журала миллатла палтарра чегъурли, Вагъайс мардешла далуйтала конкурслис онлайн тяхъярли бутлакьяндеш дариб, суратуни касахъиб. Илди музыкаличил гълеббуциб, чагъанара бяхъили, пагъмучевси музыкант Муцалхан Къурбанмяхъяммадовли.

Культурала управлениела хъянчизарти гъаман чебаэс вирар музейлизиб. Гъалабра чуйнапра миллатла палтарра чегъурли, суратуни кайсахъули, телевидени-

ела хъянчизартани бакъили телевидениелис кайсули къаршибикиб. Илдас музейлизиб дебали гъяхъилбилзан ва халаси гъираличил башар ила жибаралли.

Музейла директор Зубалжат Мирзаева илдала баркъудиличи разили сари. Илди гъуна пагъмучебти, жавабардешличил бузути, дяхъшалати, чули касибси санигъятличи балбикибти гъяхъилас ил мурталра разили гъунириур. Ил бархъира культурала хъянчизартас баркалла багъахъур ва гъурра музейлизи башахъес жибариб.

Гъанала гъергъира чула гъямрулизир ва бузерилизир сархибдешуни имцла диклули дигулра!

С.Гъябдуллаева, нушала корр.



ГАЗЕТАЛА
БЕК1 РЕДАКТОР
П.Ш.МАЛЛАЕВА
8-260-21-2-20



БЕК1 РЕДАКТОРЛА
ЗАМЕСТИТЕЛЬ
М. М. МЯХЪЯММАДОВ.
Тел. 8928-872-58-85



АДРЕС:
368280

АХЪУШАЛА РАЙОН,
АХЪУШАЛА ШИ.
«БАРХЪДЕШЛА ГЪУНИ»
ГАЗЕТАЛА РЕДАКЦИЯ.
сайт: put-istiny.ru
эл.почта: put-istiny@mail.ru



ГАЗЕТА
КАБЪАХЪИБСИ САБИ
МЯХЪЯЧЪАЛАЛИЗИБСИ
«ИЗДАТЕЛЬСКИЙ ДОМ
ДАГЕСТАН»
ТИПОГРАФИЯЛИЗИБ.
АДРЕС
ИЗДАТЕЛЯ И ТИПОГРАФИИ:
РЕСПУБЛИКА ДАГЕСТАН
ПР. ПЕТРА ПЕРВОГО, ДОМ №61
ТИПОГРАФИЯ «ИЗДАТЕЛЬСКИЙ ДОМ ДАГЕСТАН»
т. 88722-65-00-51.



ГАЗЕТА
ЖУМЯГЪ БАРХЪИ
ДУРАБУЛХЪУСИ САБИ



КЪУЛБАСБИРУСИ ЗАМАНА
17 СЯГЪЯТ.
КЪУЛБАСБАРИБСИ
ЗАМАНА 17 СЯГЪЯТ.



АВТОРТАНИ
ЧУЛА МАТЕРИАЛТАЛА
ХЪЕКЪДЕШЛИС ВА
БАРХЪДЕШЛИС ЖАВАБ
ЛУГУСИ САБИ.



ГАЗЕТАЛИС
КЪУЛБАСБАРЕС ВИРАР
ДИГАЛЛИ ПОЧТАЛА
ОТДЕЛЕНИЕБАЗИБ,
ДИГАЛЛИ РЕДАКЦИЯЛИЗИБ.
ГАЗЕТАЛА ИНДЕКС 51345

Тираж 1000 экз.



Ахъушала къиибил номерла урга даражала школализиб бахъли бузути, цархъилтас гъибратли бетурти чумра учительница леб. Илдазирад ца сари Гъямарова Сакинат Мяхъяммадовна.
1982-ибил дуслизиб

ЧЕРЕТАИБСИ ХЪЯНЧИЗАР

Дагъиста пачалихъла пединститутла Англияла мезла факультет таманбарили, бузерила гъуни бебъихъиб. Сакинат Гъямарова школализир рузули сари Англияла мезла дурсри кадирхъули 38 дус. Директорла заместитель сари бяркъ бедлугнила шайчибси хъянчи бузахъуси. Жигарла бутлакьяндеш диру школала гъямрулизир, дурхъначил музейлизир, библиотекализир, районна багъудила ва спортла управлениела шадлихъуназир ва цархъилтира жура ла балбуцуназир.

Сакинат Мяхъяммадовназирад дахъал гъяхъити секлал гъерасес вирар: лебилра дурхъни цаван чебиу, дурхънала белчуди бархъли кыматлабиру,

уршби-рурсби бучлахъес къайгъи биру. Дигахъу ил учительница дурхънасна дурхънала бегъатсара. Сакинатли нура ручлахъули руибсира, дила дурхънира, итхъели биалли Англияла мезла дурсри халатас ахъи хъедири, гъанна биалли бехъибхъудла классуназирад дехъидихъили дурсри лер.

Сунечил бархъ бузути хъянчизарти-ургаб илала халаси хъурмат леб. Англияла мезла дурсри дирути жагъил учительницабас-- Мяхъяммадова Сарият Гъяхъяммадовнас ва Хъяжигъямарова Аминат Мяхъяммадовнас гъибратли ретаур.

Сакинат Гъямаровала дурсри дурхънас тамашадизести детарули сари,

дурсрачир деклар-декларти тяхъурти пайдаладиру, дурхънас белчудиличи диги аклахъес, бучлуси гъамадбиахъес багъандан.

Сакинатлис учительла санигъят дебали дигахъу, «учительла талихъи сунела бучлахъутала сархибдешуназиб саби.»—риклули сари.

Сакинатли ва гъямрула вархъя Гъямарли чула дурхънас гъяхъиси бяркъ бебид, чебяхъиси даражала багъуди касахъиб, урши Ислам Гъямаров школализив узули сай, нешличил вархъ, географияла дурсри кадирхъули.

Сагал дуслизир диаб Сакинатлис ва сунес дигутас ара-сагъти гъямру, бузерилизир сархибдешуни!

А. Мяхъяммадова, нушала корр.

ГЪИНЗИМАХЪИЛА ХАЛКЪЛА РАЗИДЕШ



Ахъушала районнизир дахъал сагати хъянчурби лер гъанна детурхути, жура – жура ла проектуни хъясибли.

Ахъушала шила Гъинзимахъила дайлаб халаси площадка леб, илар гъалар футболла абзани дурадурклутири, районна къадрилла, дурхъни хъязтабиркъури, бацъси мер лебри, къарлира бакъибси. Гъанна биалли ил площадка жагабарес бузули устаби леб,

дахъал ваяхъи лер. Илаб байхъала мер буцахъили футболли биркъахъес жагаси мер бирули саби. Байхъайчиб дурхънас ва халати адамтас бамсри ихъахъес мер-муса дирули сари, галгубира удагурли, плитабира кадуцили, скамейкабира кадихъили, дурхъни хъязта биркъахъес ваяхъира хили.

Гъинзимахъилизиб хъербирути халкъ дебали разили саби илди гъунти

сагадешуначи. Жагали балкъарахъуси площадкаличи хъербиклес учибиркули саби биштлати ва халати.

«Ахъушала район» Мола администрацияла бекъи Мяхъяхъ Гъябдулкаримовлис баркаллабиклули саби районна центрлизир ва махъурбазир мер-муса къулайси тяхъярличи дуршнелис, жагадирниелис.

Наб гъурра гъанбушес дигулра Гъинзимахъили-

зи аркъуси, къадалабадси гъуни гъяхъиси тяхъярличи бушиб, тракторлизи хартъларахъили, гъягъя какъурли ва гъинтларили, шакъуби дицлахъили, гъуни гъарбиахъубли, халаси хъянчи дураберкъиб. Гъалар илар дахъал чят дири, вшес къяянни бири, чятра камдиуб, чъябар бетурли адамтас башес гъамадбиуб.

Ил гъуни Ахъушала шила бекъи Набигулла Гъябдулвагъабовли балахъибси саби или бурули саби, илисра Гъинзимахъилизиб хъербирути халкъла шайзибад баркалла багъахъес дигулра. Ца гъятли тиладибарес дигуси секлал леб адамтас, гъанна, бархъи къантиси замана, ил къадалабад дугели башути адамтас, школализивад чарбиубли башути дурхънас къяянни саби, жявли цъяббирни багъандан. «Илаб шаладеш биахъес гъулрира катурли, чирагъми даршили дигахъехъери». -- биклули саби махъила адамти.

Гъ. Сабият.